

5
CAROLI LINNÆI M. D.

ORATIO

DE NECESSITATE PEREGRINATIONUM
INTRA PATRIAM

Habita Hupsaliæ, ibique primum edita

ANNO MDCCXLI

QUUM MEDICINÆ PROFESSIONEM REGIAM
ET ORDINARIAM SUSCIPERET

Nunc denuo rarior facta emendatior recuditur.



LIBURNI
APUD CAROLUM GIORGI



MDCLXXXVI

SUPERIORIBUS ADNUENTIBUS.



1. The first part of the paper discusses the importance of the study of the history of the United States. It is argued that a knowledge of the past is essential for a full understanding of the present and for the development of a sound policy for the future. The author points out that the history of the United States is a complex and varied one, and that it is necessary to study it from many different angles in order to gain a complete picture of the country and its people.

2. The second part of the paper discusses the role of the government in the development of the United States. It is argued that the government has played a crucial role in the country's history, and that it is essential for the government to continue to play this role in the future. The author points out that the government has been responsible for the country's growth and development, and that it is necessary for the government to continue to be responsible for the country's future.

3. The third part of the paper discusses the role of the individual in the development of the United States. It is argued that the individual has played a crucial role in the country's history, and that it is essential for the individual to continue to play this role in the future. The author points out that the individual has been responsible for the country's growth and development, and that it is necessary for the individual to continue to be responsible for the country's future.

4. The fourth part of the paper discusses the role of the community in the development of the United States. It is argued that the community has played a crucial role in the country's history, and that it is essential for the community to continue to play this role in the future. The author points out that the community has been responsible for the country's growth and development, and that it is necessary for the community to continue to be responsible for the country's future.

5. The fifth part of the paper discusses the role of the nation in the development of the United States. It is argued that the nation has played a crucial role in the country's history, and that it is essential for the nation to continue to play this role in the future. The author points out that the nation has been responsible for the country's growth and development, and that it is necessary for the nation to continue to be responsible for the country's future.

S. R. M.
SUMMÆ FIDEI VIRO

EXCELLENTISSIMO CELSISSIMOQUE

COMITI
D. CAROLO
GYLLENBORG

REGIS REGNIQUE SVETIÆ SENATORI


REGIÆ CANCELLARIÆ PRÆSIDI

ACADEMIÆ UPSALIENSIS CANCELLARIO

MÆCENATI SUMMO

HANC ORATIONEM D. D. D.

DEVOTISSIMUS
CAROLUS LINNÆUS.





AUDITORES OMNIUM ORDINUM
HONORATISSIMI, EXOPTATISSIMI.



Uod felix faustumque esse jubeat Deus Ter Optimus Maximus, spartam, Auditores Honoratissimi, ab Augustissimo Potentissimoque Rege clementissime mihi demandatam, & in Facultate Medica ad illustre hoc Sveciæ Athenæum, a me, utinam bono & felici omine, exornandam, aggredior.

Et, cum ad capienda novi hujus muneris auspicia, more & ritu majoribus consueto, legibusque academicis præscripto, in tam illustri doctissimorum Patrum Civiumque consessu, verba mihi jam sunt facienda, fateor, quæ singula, hominibus ad dicendum accedentibus, timorem injicere consueverunt, ea sese mihi, hodierno die, objicere universa; siue enim loci amplitudinem, siue auditorum dignitatem, siue lectissimorum hominum frequentiam, siue denique meam dicendi tenuitatem contemplor, fateor ingenue hæc esse, quæ multum perturbationis mihi adferre possunt.

Etenim si eloquentissimos olim viros accepimus, cum ad perorandum venissent, ita expavisse

ac

ac animo fuisse commotos, ut plane obmutuerint; quid mihi tandem animi esse oportebit, cui in facundiæ aliqua promptitudine ac splendore, nulla vel naturæ vel exercitationis adfunt præsidia?

Quum tamen aliquid mihi est dicendum: in illo, quem aliis, ex hoc loco verba facientibus, denegare non soletis favore ac humanitate, perfugium erit; quo fiet, ut quod spero, sermo meus, quantumvis tenuis & inexercitatus, velut secundis subvectus ventis, quem sibi proposuerit portum, facile consequatur.

Materiam igitur, Auditores Honoratissimi, nec a præsentī tempore; nec ab hac, quam ingredior, sparta; nec ab occupatione, qua, ex nutu & voluntate Celsissimorum Ordinum Regni, nuper sum defunctus, & ex qua recens ad has musas, nunc redux sum factus, alienam, sed hisce singulis, mea quidem opinione, aptam satis & accomodatam, vestra fultus benevolentia, pertractabo, de *Peregrinationum intra patriam instituendarum necessitate*, fructuque exinde, Medicis imprimis, percipiendo, simpliciter & populariter dicturus, idque operam daturus, ut dicendi tenuitas dignitate rerum ac imprimis sermonis brevitate, gnauiter compensetur.

Omnis nostra scientia duobus nititur fundamentis: ratiocinio videlicet ac experientia; hæc duo amicissimo fœdere juncta bonum Medicum constituere debent.

Equidem fatemur *ratiocinandi* negotium æque feliciter in museo posse expediri, ac in peregrinationibus, dummodo cum viris solide eruditis commercium haberi liceat.

At

At *experientia*, rerum illa magistra, sine qua loqui erubescat Medicus, hæc, inquam, experientia illa ipsa est, quæ tot veterum, atque in hisce divinum senem Hippocratem, ipsiusque scripta, quæ integris ante Christi nativitatem sæculis lucem adspexerant, immortalitati consecravit. Solius enim Hippocratis scripta sunt, quæ, inter tot felicissimorum ingeniorum inventa & artificiose fabricata systemata, ab omni labe ac mutatione inconcussa, immota, integra, immo intacta, in hunc usque diem perdurarunt, & perdurabunt posthæc. Utique experientia est, quæ tot celeberrimorum Medicorum capita omni tempore coronavit, atque etiamnum hodie coronat, & id præstat, ut inter præcipuos Medicorum titulos hic censeatur, *experientissimum* vocari. Prægreditur experientia, subsequuntur ratiocinia; illa materiem sciendorum sufficit; hæc ex datis phænomenis consulta de rebus instituant, & postquam trutinam iudicii adhibuerunt, veritates eruunt, ac de rebus propositis feliciter concludunt, statuunt, determinant.

Experientia in rebus medicis debet animari ratiociniis, sine quibus hæc non est nisi res mortua ac velut rudis indigestaque moles: rationes experientia destitutæ nihil juvant, utpote quæ ingeniorum, opera sua abutentium, mera sunt somnia, mera phantasmata, ac meteora. Certe veteres hanc non ex utero materno secum eduxerunt. Multo fuit usû opus ac labore, antequam homines illa recte instruerentur. Fatetur ipse *Dioscorides* multa se ad augendam experientiam confecisse itinera; & reliqui Medicorum Patres, passim in scriptis suis, varia sua itinera loquuntur & produunt.

ACADEMIÆ in hunc finem institutæ sunt, ut viri in omni eruditionis genere probe versati, ac insuper rerum locupletati experientia, illuc evocentur; & ut scientiarum avida juvenus ad has sedes confluat, in quibus ab experientia non minus quam eruditione professorum proficiant, quas dotes, in doctoribus suis, pulcherrimo semper connubio junctas, par est ut suspiciat ac veneretur.

Apud *Academias* vasta ac sumptuosa *librorum* suppellectilia conduntur, in quibus observata eruditorum, tamquam totidem eorum legata ac testamenta asservantur, ut qui literis fideliter operam navant, eruditionis experientia etiam excultæ ac firmatæ, reddantur compotes, quæ in publicis hisce sapientiæ cimeliis reconditur, & exinde bonis ingeniis, tamquam venales merces, usurpanda exponitur.

Etiam *Nosocomia* instruuntur, ut futuri Medici ex lecto ægri ea discant, quæ ex libris disci nequeunt; usu quippe ac experientia per autopsiam, & manuum applicationem exserente heic suas vires; sicut omnium accuratissime certi alicujus hominis exprimit lineamenta, qui non ex aliorum relatione, sed ex illa, quam per suos oculos animo impressit idea, hominem depingit.

Theatra Anatomica construuntur, ut in alieno corpore, tamquam in speculo, nostrum corpus ejusque structuram intueamur; sicut terrarum, regionum, urbium situs, hominumque in his degentium mores, instituta, ritus certius illi percipiunt, qui ipsimet suis pedibus loca ista calcarunt, & quæ memoratu digna ipsi suis usurparunt sensibus, quam qui ex vagis & fallacibus chartis, ac narrationibus geographorum unice dependent.

Horti

Horti Academici hic instituuntur, ad quorum plantationem varii generis vegetabilia ex universo orbe colligi solent; ut hac ratione veluti in parvo mundo majorem intueamur.

Huc *Physica Instrumenta* comportari solent, cum videlicet in finem, ut elementorum abstrusæ vires, quæ alioquin sensus nostros fugiunt, oculis subjiciantur, atque sic in ipsa adyta ac penetralia Naturæ, quantum permittit ingenii humani perspicacia, feliciter perducamur.

Hic Naturæ & Artis *Musea* colliguntur, ut uno intuitu Naturæ lusus & prodigia conspiciantur.

Hæc omnia apud Academias eum in finem instituuntur, ut per experientiam multa cognoscere discat juvenus; omnia, inquam, eo tendunt, ut uno loco, uno terrarum angulo constitutus ingentes omnigenæ sapientiæ opes ac divitias, inque his, ipsius etiam Naturæ latifundia perscruteris & rimeris, illamque cognitionem rerum tibi acquiras, quæ alioquin, & sæpenumero frustra, per immensos terrarum tractus esset quærenda.

Quare peregrinationes ad Academias, meo quidem arbitrio, non sunt negligendæ, sed illis, qui ad solidiorem sapientiam, hoc est, sapientiam experientia suffultam & corroboratam, adspirant, pernecessariæ habendæ.

Atque errant, me quidem iudice, illi enormiter, qui in studiosæ juventutis animis contemptum Academicarum excitant, & ut artium studiosi has sedes fugiant, pestifera suggerunt consilia; non considerantes, brevissimo temporis curriculo, in his officinis, longe majora & excellentiora per experientiam hauriri posse ac persentisci, quam intra privatos parietes & limina musei, lectione quantum-

vis multijuga, indefessa, & per omne vitæ spatium extensa.

Æmulatur certe, si quod res est dicendum, nostra hæc cum reliquis cæterarum Nationum Academiis, bona & solida horum omnium, de quibus jam dixi, institutione egregia & exemplari: nam & *Hortis botanicis*, & *Nosocomiis*, & *Observatoriis astronomicis*, & *Instrumentis physicis*, & *Præparatis anatomicis*, & cæteris artium ac scientiarum adminiculis magnificis, excellere incipit hæc alma Musarum Sedes Upsalienfis, atque ita quidem excellere (nec enim hujus rei commemoratio ab hoc loco & tempore est aliena), ut Academiis omnibus exteris, si Deus benigniora fata impertiat, palman propediem facile præripere posse videatur.

Et quamquam aliæ, præ aliis, Academiæ certis quibusdam gaudent prærogativis; prout enim scientia aliqua, in hac aut illa natione, in majori vel minori pretio habetur, ita etiam magis vel minus excolitur, ipsique doctores scientiarum vel excellentiores existunt vel etiam sequiores; & ubi quæso excellentiora hoc tempore vel frequentiora celebrantur *Nosocomia*, quam Londini Anglorum? ubi plures *Operationes chirurgicæ* adornantur, quam Lutetiæ Parisiorum? ubi elegantiora *Præparata anatomica* monstrantur, quam Lugduni Batavorum? ubi plura collectanea in *Botanicis* asservantur, quam Oxoniæ? Quamquam, inquam, hæc vera sunt, non tamen eos satis considerate se gerere, aut sibi patriæque bene consulere existimo, qui foris ea quærunt, quæ sunt domi ante oculos posita; quique ad exterarum Academiarum peregre abeunt, non dum bene jactis studiorum fundamentis in patrio solo. Non dubium est, quin hos demum erroris sui vehementer poeniteat!

niteat! Qui rudis & indoctus patriæ terminos egreditur, raro doctior regreditur! Numquam vero ejus temporis quemquam pœnitebit, quod ad patrias Academias bene collocaverit! Nam qui bonus existit artium studiosus apud Academias, idem etiam optimus ac solidissimus vir, in omni negotiorum genere, exstiturus est!

Qui in terras calentes peregrino sole abiturus, solida primum studiorum fundamenta apud natalis terræ Academias posuerit, is domum longe utiliores merces reportabit, quam fit hodie in multis peregrinatorum, qui vix alia fere re expoliti redeunt, quam quod noverint ampullas vocum, & sesquipedalia verba deblaterare ex aliquot Europæis *linguis*, & quod multa accurate commentari ac sermocinari sciant de *theatris* & *ludis scenicis*; itemque de ritu sese *vestiendi* apud Italos, Hispanos, Germanos, & imprimis Gallos usurpato. Si rebus suis prudenter isti consulerent, non efferrent pedem extra patrium solum, ne opes suas dilapidarent, ne tempus, valetudinem, immo ne ipsam denique vitam per luxuriam & voluptates misere perditum irent ac profunderent. Non redirent, quod frequentissime fieri solet, sibi patriæque prorsus inutiles & pondera terræ inania. Sed quo abripior?

Proposui mihi, horulæ hujus ruentis spatio, ad vos loqui, Auditores, non de patriarum Academicarum prærogativis; aut de suscipiendis peregrinationibus ad has, præ cæteris Academiis; sed imprimis de peregrinationibus intra patriam, per ejus rura & compita, instituendis; de genere (factor) peregrinationum, quæ in hunc diem minus fuere in usu, quasve creditum est oblectationis uniçe causâ fieri.

Exoro vestram patientiam, A. O. Ord. Honorat. &, ne favore ac benevolis auribus vestris abutar, brevissimo, ut pollicitus sum, sermone defungar.

Navita de ventis, de tauris narrat arator.

Ne miremini, quæso, lubenter me loqui de itineribus intra patriam capeffendis: suum enim cuique pulchrum est; & sua quemque trahit voluptas. Ipse meis pedibus subivi & transcendendi pruinosas *Laponiæ* alpes; & *Norlandiæ* aspera juga superavi, clivosos etiam calles & inaccessos ejus saltus emensus; inque *Dalekarliæ* silvas; & *Gotlandiæ* nemora; & *Smolandiæ* ericeta; & latissima *Scaniæ* jugera excursus feci spatiosos; nec ulla facile est nobilior *Sveciæ* Provincia, quam ego non perreptavi, perlustravi, etsi non sine corporis, viriumque defatigatione eximia. Equidem iter *Lapponicum* magni mihi consistit laboris; & fateor necessum mihi fuisse plus devorare molestiæ ac periculi, vagando per unam hanc mundi nostri arctoi oram, quam per reliquas omnes, quas usquam gentium contigit mihi obire terras in extero orbe, nec tamen & ipsas absque de lassatione viriumque jactura a me calcatas. Sed quod veritatis amori, ac imprimis gratiæ Numinis acceptum referendum devotus agnosco, exantlatis itineribus mox omnis defuncti discriminis ac molestiæ me quasi lethæa cepit oblivio, compensante hæc omnia fructu illo inæstimabili, quem ex his viarum erroribus & anfractibus reportavi, in eo maxime conspicuo, quod indies magis magisque peritior redditus, illam sceneratus sum experientiam, per quam spero me prodesse posse & mihi, & aliis,

&

& quæ omnes omnium charitates & commoda complectitur, ipsi patriæ & publico.

Bone Deus ! quam multi rerum patriarum rudes ad exteros excurrunt, ut curiosa imprimis, quæ illic sese spectanda offerunt, rimentur sollicitè ac admirentur; quorum tamen eximia pars longe est posita infra excellentiam eorum, quæ in patrio nostro solo, oculos modo aperientibus, sese ingerunt. Nullum ego, apud exteros, solum vidi rerum in regnis Naturæ curiosarum fœcundius, quam nostræ patriæ! Nullum quod tot, tantaque, tamque stupenda Naturæ artificia monstret! sive æternas & per infinita sæcula perennantes in alpibus *nives*; atque inter ipsos nivium tractus, promicantia identidem prata ac virescentia *tempe*; sive cellissima *montium* cacumina; sive confragosa & abrupta rupium *precipitia*; sive æstuantibus *cataractarum* voragines; sive latentem integro temporis spatio *Phæbum*; & exorientem inde cimmeriam caliginem in orbe nostro, consideres; sive *inocciduum* alio anni tempore solis jubar spectare velis; quorum vel in Batavo orbe, vel in Gallia, vel in Britannia, vel in Germania, vel in alio denique Europæo tractu, ad quem avida novitatis juvenus nostra turmatim erumpere soleat, in suo genere par. simileque frustra quærat.

Sed de hisce dicendi locus jam non erat. Ad ea, quæ proposito meo sunt propiora & propria descendendo, exemplis ostensurus, quod *Physici*, *Mineralogi*, *Botanici*, *Zoologi*, *Dietetici*, *Pathologi*, *Medici practici*, *Oeconomi*, cæteri harum scientiarum mystæ, in iteribus per nostras terras, ea sunt inventuri, ea detecturi, de quibus ne quidem per somnium antea ipsis cogitatum fuisse fatebuntur; immo quæ toti orbi in hunc diem plane incomper-

ta fuere; ea denique quibus non tantum sciendi cupiditatem pascant & exfatient, sed & patriæ, sibi-que, & bono publico feliciter inservire queant.

Habet, ut paucis & per exempla agam, rerum naturalium sagax Indagator, quo attentionem suam acuat & exerceat, contemplando fastigia altissimi & super æthera scandentis montis *Svucku*; mirabilem structuram montis *Torsburg*.

Horrenda præcipitia rupis *Blåkulla*, in insula ejus nominis prope Oelandiam sitæ, ipsoque non minus nomine apud vulgus Sveogothicum etiamnum usurpato, quam truculento adspectu aliquid gerentis, quod antiquæ gentis stuporem, simul ac superstitionem insinuet.

Porro concamerationes & cryptas mirabiles montium *Skiula*; elevatas in altum planities *Insulæ Carolinæ*; inusitatas formas & structuras fontium *Kierkusianorum* in Oelandia. Ut infinita alia Naturæ miranda opificia, quorum similia vix alibi offendere licebit, sicco nunc pede præteream.

Ubi quæso dabitur plenior copia considerandi intentissimos *brumæ* rigores ac vehementiam, & adstrictum gelu, & *glaciei* marmora ac incredibile robur; & in tam aspero climate *sata* nihilominus citius, quam in aliis mundi partibus, germinantia, citius crescentia & maturitatem adipiscuntia, quam in Sveogothico hocce orbe nostro?

Qui contemplari cupit *maris* ac *telluris* stupendas *metamorphoses*, vix alibi gentium reperiet commodiorem occasionem, quam in australi & orientali Gotlandiæ nostræ parte, ubi *saxei*, ut vocantur, *gigantes* minantur cœlo, & ubi temporum *epochæ*, ipsaque sæcula, &, ut ita dicam, anni, mirabili quadam serie, in *glarea*, litoris & in solo supra litus posito, veluti sunt exarati. Ha-

Habebit palæstram in qua ingenium suum exerceat egregie *Lapidis Oelandici* inspectando *Hydrometra*, & excogitando rationem, qua humectante sua natura & qualitate spoliari forte possit hic lapis; quod qui feliciter adinventurus esset, præstaret sane aliquid, unde patriæ ingens commodum acceleraret, ac imprimis loci istius incolas æternis sibi meritis devinceret.

Non ingnota locutus fuero, & rem commemoravero toti orbi confessam, si dixero nullam in habitabili orbe esse terram, in qua *MINERALOGUS* plus possit proficere in arte sua, quam patriam nostram. Dicat mihi aliquis, & erit mihi magnus Apollo, dicat mihi quibus in terris inveniantur ditiores & ampliores *tractus metallici*, quam in nostra Svecia; aut ubinam infinitæ aliquæ fœcundioris metalli cavernæ altius in ipsa telluris viscera & Plutonia regna descendant, quam in nostra hac Svecia.

Loquantur pro me latissimæ minere *Norbergenses*, & jugum *Tabergense*, & fodinæ *Dannomoreses*, *Bitsbergenses*, *Grengienses* & denique instar omnium *Salbergenses* & *Fahlunenses* thesauri, quibus similes nulla terrarum regio ostentabit.

Porro ubi gentium permittunt metallicolæ ab exteris accedentes furnos & operationes quascunque metallurgicas liberius adire? ubi usquam lubentius hæc talia docentur? Recipiuntur sane apud nos advenæ cum favore, & dimittuntur cum desiderio.

Quis ad contemplationem caminorum, ingentia flammarum incendia vomentium, in quibus *ferrum* funditur, non inhorrescat? & quis in densissimis pinetis *Dalekarliæ* cum voluptate non adpiciat simplicem

plicem rusticum, sine furno & apparatu facile ullo, ferrum e terra extrahere, idque tam durum, usuique accommodum, ut cum omni alio ferro, summo igne & multis cum impensis parato, certare possit?

Quis ante hos decem annos credidisset lapidem *calaminarem* dari in Dalekarlia? aut *auri* præstantissimi mineras in Smolandia?

Forte fidem denegabitis, Auditores, narranti integros montes *Petroleo* saturatos reperiri in Dalekarlia. Ne dubitate tamen: ego rem hæcenus non auditam, nec visam, hisce meis oculis vidi, vidi, inquam, & obstupui.

Corallifera Indorum litora miramur, sed *Cappelli* Portus, (locus est in Gothlandia) credite Auditores, unus hic locus exæquat, immo exsuperat Orientis has opes; vidi enim densissima corallorum strata per integra stadia & milliaria hujus litoris sese extendentia.

BOTANICI, qui ad scrutandos regni vegetabilis thesauros, præcipuam certe terrarum partem hodie pervolitarunt, multa tamen in Svecia reliquerunt nobis, nostrisque nepotibus, adhuc observanda.

Vix enim alibi, quod verbo dicam, major quam apud nos copia datur *muscorum*, *lichenum*, *fucorum*, *fungorum*, in quibus minutiis contemplandis curiosior Botanicorum turba desudat hodie.

Quis mortalium *Diapensiam* nostram umquam vidit aut descripsit? Quis *Blasiam*, excepto unico Michelio? Bina hæc plantarum genera apud nostrates, & præcipue circa Fahlunam, magna abundantia proveniunt. Quotusquisque peregrinantium, rei herbariæ non prorsus rudis, Parisiis profectus
non

non divertit ad Fontem Bellilaqueum, ut adspiciat rarissimas illas *Orchides*, quarum aliæ floribus Galeas; aliæ Culices; aliæ Muscas; tam belle, tamque artificiose repræsentant, ut ad exæquandam Naturam nihil fere deesse videatur, quam solus bombus ac volatus? Quis crederet hos flores in nostra patria, & quidem in Oelandiæ nemoribus, passim obvias progerminare?

Quis unquam quæsierit in nostris terris exoticas istas plantas: *Lotum tetragonolobum*; *Sanguisorbam majorem*; *Lactucam perennem*; *Carduum acaulem*; *Asterem dysentericum*; *Helleborum Hippocratis*; *Ranunculum illyricum*, immo *Ricciam* & *Globulariam*, præsertim *Emerum*, pulcherrimum istum fruticem, qui per omnes hyemes, studiose a frigore, in hypocaustis Botanicorum conservatur? Quæ tamen omnes nunc primum observatæ crescunt in Oelandia & Gothlandia.

Ab exteris ad Officinas nostras *PHARMACEUTICAS* accersivimus, & quidem ingenti pretio,

<i>Verbenam,</i>	<i>Centaurium,</i>	<i>Ptarmicam,</i>
<i>Nummulariam,</i>	<i>Laureolam,</i>	<i>Scorzoneram,</i>
<i>Erygium,</i>	<i>Bellidem,</i>	<i>Caprifolium,</i>
<i>Ebulum,</i>	<i>Cichorium,</i>	<i>Cervi spinam,</i>
<i>Arnicam,</i>	<i>Symphytum,</i>	<i>Sambucum,</i>
<i>Ononidem,</i>	<i>Daturam,</i>	<i>Betoniam,</i>
<i>Scordium,</i>	<i>Archangelicam,</i>	<i>Mercurialem,</i>
<i>Lithospermum,</i>	<i>Efulam,</i>	<i>Rhodiam,</i>
<i>Stoechadem citrinam, & Rutam murariam,</i>		

quæ tamen omnes plantæ per Sveciam sponte nascuntur! & tamen ante decem hos annos quis hoc sibi habuit perspectum?

C

Quantos

Quantos sumtus profuderunt nostrates ad accersendum quovis anno *Kali*, ex cujus cinere & sale vitrum conflatur. Fullonum *Luteola* & *Isatis* quotannis redimi debuit charo pretio, & multis impensis patriæ. Quas tamen herbas nunc demum compertum est passim per nonnullas nostras provincias germinare.

Integram rariorum Plantarum Centuriam sola *Lapponia* mihi quondam suppeditabat; aliam nunc etiam Centuriam in insulis maris *Balthici* collegi; & totidem numero in sola *Scania*, antea in *Svecia* nunquam observatas, detexi; nec dubium est, quin reliquæ nostræ provinciæ, tales etiam alias Floræ vel opes vel delicias, hucusque non deprehensas, in recessibus & angulis suis recondant, modo adsit impiger & sollers indagator. Felices agricolæ, immo felices *Svecicolæ*, bona si sua norint!

Nec versabitur *ZOOLOGUS* unquam in amœniore, suoque proposito idoneo magis loco, quam in illo, ad quem examina omnis generis *Avium*, vernali tempore, aut sub æstivo calore, ad procreandam sobolem convolant & congregantur: hoc fit in sylvosis montibus nostræ *Sveciæ*, plus quam in alio terrarum tractu: *Lapponum* pluvialis *Pago* dictus; *Norlandorum* *Passer nivalis*; *Oelandorum* *Triunga Alwargrin* nominata; *Gothlandorum* *Anas Eider* dicta; insulæ *Carolinæ* *Anas arctica Torde* appellata; *Ottenbyensium* *Recurvirostra Sierflacka* nuncupata; *Dalekarlorum* *Picus tridactylus*, rarius apud externos visuntur, quam *Phasiani* in nostris mensis.

Ausim dicere nullam esse terrarum partem in universo orbe, quæ feracior sit avium & insectorum, quam nostram *Sveciam*.

Rhan-

Rhagiferi silvestres, & volitantes *Sciuri*, & alpinis jugis ruentes turmatim in subjectam planitiem *Lemures*, ignorantur, quamquam feliciter ignorantur, in aliis terris.

In alpibus nostris Dalecarlicis exteri (& hoc notum est) *Falcones* capiunt. In insula Farø, prope Gothlandiam sita, *Phocarum* piscatura, & *Salmonum* in boreali Norlandia optime exercetur. Utraque tanto cum proventu & emolumento, ut nihil supra in aliis gentibus.

Quot species *Piscium* apponuntur in nostris mensis, vulgatissime in Svecico orbe, quales ex Cyprinaceo genere: *Aspid*, *Wimba*, *Faren*, *Biörkna*, *Mudd*, plures aliæ, exteris prorsus ignotæ, nunquam visæ; nunquam depictæ!

Quis mortalium adhuc unquam exenteravit, examinavit, depinxit pusillos illos, & rubros serpentes *Aspides*, seu *Æspingar* australibus Svecis dictos, & lethali vulnere perniciosos?

Nimis longus essem si ad *Insectorum* species descenderem! Qui insuetam hactenus adhibuit, in examinandis insectis, solertiam & *ἀκριβειαν* magnus ille Reaumurius, visa collectione mea insectorum Sveciæ, fallus est ingenue, solam patriam meam, plures species insectorum continere, quam ullam aliam ipsi notam terrarum partem.

DIÆTETICUS, cui vivendi genera inquirere competit, vix terram reperiet, in qua tot differentibus modis vivitur; deprehendet hic diversæ fortunæ, status, conditionis homines, diverso ciborum genere uti. Et quod præcipuum est, orbis nostri hyperborei incolas, in singulis provinciis ac territoriis, suos quasi peculiare in his generibus mores ac instituta sequi: in Lapplandia observabit homi-

nes absque *Cerere* & *Baccho*, absque *Jale* & potu omni artificiali, aqua tantum & carne, & quæ ab his præparantur, contentos vivere.

In aliis locis videbit agricolas in fumosis & fuliginosis hypocauftis degentes *Coregono fætido*, nec non pane e radicibus *Callæ* vel glumis & aristis cerealium contusis præparato, victitare.

Alibi rusticos frugaliter ex *Harengo fætido*, & fero lactis viscoso, *Syra* ipsis dicto, vitam sustentare.

Alibi se suosque alere cibis *Assu* & *Artfau* apud illos dictis, pisce item putrido *Lunsfisk* illis nominato, sub durissimo licet labore.

Ruricolas alibi offendet *Rapis* satiari, & potu e baccis *Juniperi* præparato sitim extinguere.

Alios *Pisis* imprimis vesci; alios pulte e *Fagopyro* repleri; in aliis locis carne *Phocarum* pinguefcere plebeculam & multum corporis facere, cum stupore videbit.

Qui per alias terras peregrinatus fuerit, non deprehendet temere tot, tamque differentes vivendi victitandique ritus, ac in his oris, unde observata & experimenta sua instituat sollers ac ingeniosus Diæticus.

PATHOLOGUS, qui morborum causas indagat, non frustra peregrinabitur in his terris; quippe in singulis orbis nostri tractibus, vexantur homines suis peculiaribus morbis, qui maximam partem, ex diverso illo, de quo jam locuti sumus, victu, ciborumque genere promanant.

Causas hac ratione procul dubio est assignaturus minime falsas:.

Quare Norlandi ut plurimum *Scorbuto* sint infecti, & cur Lappones contra hujus morbi prorsus expertes.

Qui

Qui fiat, ut iidem Lappones *Torminibus* istis ventriculi, quæ apud illos *Ullem* audiunt, tam misere excrucientur.

Quare Gothlandi imprimis *Colica hypochondriaca* torqueantur.

Quare Westrobothnienses, qui reliquis nostri orbis populis sæcundiores sunt, amittant plurimos *infantes* in cunis.

Quare multi *Epileptici* in territorio Verns dicto reperiantur, equidem ex levissima, sed singulari tamen, si rem acu tetigerimus, causa.

Quare Orsaboenses Viri fere omnes, ante trigésimum ætatis annum e *phthisi* emoriantur.

Prolixum foret omnia enumerare, quæ passim apud singulas gentis nostræ nationes observari percommode possint.

Mihi saltem persuasum habeo, novo Doctori Medico pernecessariam esse professionem per patrium solum, vel ea etiam de causa, ut proprio Marte vires ac industriam suam medicam, & sic experientiam, sine qua nulla est Medicina, quotidie augeat, artemque, quam profitetur, ad culmen perducatur.

Contingit enim nostris terris, quod nescio an inter externos ita crebro fiat, ut vulgus nostrum libenter suis fidat *Æsculapiis*, & multa frequentia concurrat ad consulendum medicum, quam primum auditum est aliquem, eas in medendi negotio fecisse progressiones, ut artis ejus Doctor evaserit; in multis aliis exterorum sæpe Juveni Medico vix catulum suum concrederent homines.

Hac ratione *PRAXIN* instituendo visurus est, num pharmaca multum, et quidem invidendis sæpenumero encomiis, ab aliis celebrata illum habeant

apud ægros effectum, quem in libris practicis non raro venditari persentiscimus.

Audiet plurima passim medicamenta domestica, aliis etiam terris ignota, apud rusticos nostrates usurpari, & tamquam specifica, pretiosissimisque pharmacis prælata celebrari; quippe dum de hisce consulitur, talia secreta ab ægris ingenue revelantur, modo ipse sapiat Medicus; & his, ea, qua par est, uti sciat prudentia.

Quid enim famosa illa exotica, quae ex utraque India asportantur, tantoque emuntur pretio, exempli gratia: *Sarsaparilla* ista *Smilacis* species; *Ipecacuanha* *Violæ*; *Acmella* *Verbesinæ*, *Contrajerva* *Dorsteniæ*, & *Simoruba* *Evonymi* species, quae in variis morbis specifica audiunt. Quid, inquam, hæc talia sunt nisi remedia longo usu apud vulgum comprobata, qualia nunc dicimus ea etiam esse, quæ apud nostrates infinito numero frequentantur. Nonne hæc omnia, a barbaris nationibus inventa, postquam experientia docuit utilia & ad varios debellandos morbos efficacia esse, digna habitæ fuerunt, quæ cum reliquo genere humano communicarentur?

Discant itaque Juvenes Medici minime spernere, sed ea annotare accurate, quæ apud vulgum audiuntur medicamenta decantari.

Qui enim jactitat se plura de simplicium viribus scire, quam quæ gustus, olfactus, fructificatio & experimenta suggerunt percipienda, is equidem fallit vehementer & fallitur.

Vos, qui patrium solum olim cum exoptato fructu atque proventu exculturi estis, nullum quidem ex *OECONOMICA* Bibliotheca habebitis tam utilem, tamque necessarium artis istius auctorem, quam

quam peragrationes & itinera per varias patriæ regiones.

Visuri estis, in aliis provinciis, & quidem sterilissimis, ab optimis incolis, improbo quidem labore, sed non sine largo fœnore, terram feliciter excoli.

Rursus in aliis, natura licet fœcundissimis, per incuriam & inertiam incolarum, spem boni proventus omnem jacere, ipsosque incolas miserrimæ esse fortis & conditionis.

Videbitis Fœni & *Graminis culturam* apud Cypri montanos omnium optime exerceri. Gothlandos rem pecuariam ac imprimis *Ovium* felicissime tractare.

Porro *Agri* fulcandi, fœcundandi, occandi, feminandi, *segetis* metendæ, colligendæ, siccandæ, triturdæ variam apud varios observabitis methodum ac rationem, unde accurato peregrinatori primum erit judicare, quod usui sit optimum.

Vanum est exterorum in multis œconomiam nostro solo applicare; equidem Graminum semina, e transmarinis locis ad nos advecta, frustra feruntur in nostra gleba; nostra vero semina extra controversiam sunt præferenda.

Ferme dicam fieri non posse, ut vel per diem unum diei, aliqua in provincia patriæ profici-scaris, quin aliquid discas in œconomicis; multa occurrent primo sane intuitu levia quidem, sed si paullo attentius mentem oculosque adverteris, fatebere statim in rem tuam esse, & longe utilissima, qualia passim observare licebit in vario vestiendi, cibi parandi, pecoris pascendi modo ac ritu, ut taceam vivendi mores, commercia, infinito numero alia.

Tan-

Tandem quocunque demum modo necessarium, ut jam diximus, & inevitabile sit patrium solum perulstrare, frustra & inutiliter suscipiet hunc laborem is, qui non antea fundamenta studiorum jecerit ad Academias in *Physicis*, *Historia Naturali* & *Medica*, sine qua præparatione ad rite instituenda itinera, singula quæ occurrunt, quasi pro notis, consuetis, adeoque minus attentione dignis, habebuntur facile.

Cum tamen peregrinator, si quis alius, in omni negotio famosum illud Cartesii principium examussum tenere debeat, scilicet *de omnibus esse dubitandum*.

Ubi tamen illa cautela est adhibenda sollicite, ne initio nimia observandorum mole confundatur ac perturbetur animus sciendi cupidus.

Consultum tamen erit hoc principio *domi* magis, quam *foris* uti, ne inusitata rerum admiratione nimiam ignorantiam prodamus, & sic nostram nationem exponamus contemptui & risui exterorum.

Debemus peregrinari in vernanti nostra ætate, dum corporis animique vigor adhuc floret, dum inconcussas vires habemus, & ætatis adhuc alacritas nobis inest; antequam familia, & domus, & placens uxor, & domestica negotia curæ nobis cordique esse cœperint.

Posteaquam hac ratione peregrinationis vestræ prima deposueritis rudimenta intra patriam, tum demum idonei eritis, qui in vestrum & publici emolumentum, pedem promoveatis extra patriæ etiam terminos, ut ea foris cognoscatis, quæ domi non potuissent cognosci, & sic omnibus probe excussis ac examinatis, rite perspiciatis, num, & qua ratione patriæ instituta, per peregrina & extranea

tranea excoli possint, ne forte existimetis ea; quæ Parisiis in usu sunt, usurpari etiam posse in quovis tugurio rustico apud nostrates; & quod palmarium est, ne meliorem cognitionem habeatis eorum, quæ in Gallia, Anglia, Germania, aliisque in terris aguntur, quam eorum, quæ sunt in vestra patria; hoc est, ne, quod in proverbio fertur, sitis foris lynces, domi talpæ.

Sed ne patientia vestra abutar, filum Orationis nunc abrumpo, ut quod reliquum est temporis *Votis ac Gratiarum* actionibus relinquam.

Tibi, *OMNIPOTENS DEUS*, omnium primo grates pius ac devotus exsolvo pro immensis beneficiis, quibus me omni vitæ meæ spatio, per singularem tuam curam ac providentiam cumulasti. Tu, inde a juventute mea ita me manuduxisti, ita direxisti meos gressus, ut in vivendi simplicitate ac innocentia inque flagrantissimo scientiarum studio adoleverim.

Grates tibi ago, quod in exantlatis itineribus meis per patrium & exterum orbem, inter togliſcentia pericula, salvum me semper & incolumem conservasti.

Quod in reliquo vitæ meæ cursu, inter gravissima paupertatis onera, & alia quævis incommoda, omnipotenti auxilio tuo, mihi semper adfuiſti.

Denique quod inter tot rerum, quibus expositus fui, vicissitudines, inter bona, inquam, & mala, læta & tristia, jucunda & ingrata, animum mihi suffecisti ad hæc omnia æquum, constantem, fortem, erectum.

Augustissimo Potentissimoque Regi *FRIDERICO I.* submissus & subjectus civis grates ago
devo-

devotissimas, subjectissimas, pro sua clementia in honorifica hac sparta mihi demandanda. Concedat Deus ut Augustissimus Rex, cum Serenissima Regina, illa fulgentissima septentrionis sydera, aristotum huncce orbem nostrum quam diutissime illustrent ac irradiant.

Tibi, Celsissime Comes CAROLE GYLLENBORG, Academiae hujus CANCELLARIE Illustrissime, tibi, inquam, licet absenti, grates, quas venerabunda mens concipere unquam possit, maximas humillimas nunc ago habeoque pro ingentibus ac plane immortalibus mihi praestitis beneficiis, inter quae infinito numero excellentia, & hoc non ultimo loco reponendum est, quod me, ab hac Academia vocatum, tuo insuper indulgentissimo suffragio apud potentissimum Regem commendasti. Dabo operam, ut hujus favoris nunquam te poeniteat; reverentia vero, obsequio ac pietate te ad cineres usque colam ac venerabor.

Reverendissimo ARCHI-EPISCOPO & PRO-CANCELLARIO, Magnifico Domino RECTORI, ac Vobis, Amplissimi Celeberrimique Domini PROFESSORES, summas pariter persolvo grates, qui vestro, & quidem unanimi, ad hanc provinciam obtinendam, me exornastis suffragio. Ut haec benevolentia vestra me ad venerationem, ad amicitiae cultum & quaevis officia reddidit obstrictissimam; ita, ne hoc vestro in me studio videar unquam indignus, pro virili, per Dei gratiam, adnitar.

Dum in testificanda grati animi devotione sum occupatus, neque tui oblivisci debeo nominis, Celeberrime ROBERGI, Praeceptor & Antecessor summo semper honoris cultu devenerande.

Ut

Ut ex eorum numero, qui e schola tua prodierunt, unus ego sum; ita ingratisissimus mortalium essem, si tanti beneficii memoriam ac piam recordationem e pectore meo ulla unquam deleret oblivio.

Gratulari tibi jure meritoque potes, Vir Celeberrime, te unum esse ex artis tuæ consortibus hodie superstitem, cui facile omnes totius Sveciæ Medici, ceu Informatori fidissimo, prima artis suæ initia, incrementa & decora accepta referenda, grata mente fatentur & agnoscunt.

Immo, quem non Medica tantum Facultas Upsaliensis, verum universa etiam corona Patrum, senicrem suum hodie salutare ac venerari debet æstumatissimum.

Patere nunc demum Discipulum humeros tuos onere illo levare, quod per integros quater denos annos, & quod superest, cum honore gessisti; ut ingravescente jam senio, otio isto fruaris, quod Sacra Regia Majestas desideriis tuis clementissime indulget.

Exopto tibi lætam ac vegetam senectam, & ut omnia ex voto ac prospere tibi succedant, fidissimis precibus cum benignissimo Numine, pro te, devotus paciscar.

Nec vos, florentissimi lectissimique JUVENES, par est, ut in solenni hac gratiarum actione præteream. Vos enim ii estis, quos novi prolixo ac insigni amore me amplexos fuisse, novi, inquam, ex multis fane ac indubitatis indiciis, novi & gratus agnosco.

Vestrum plurimi me, haut scio an unquam vobis visum, exoptastis, desiderastis.

Scio me unice huc vocatum esse, vobis ut inserviam. Vos igitur fortunæ meæ fabri eritis.

In

In vestra commoda ac emolumenta, industriam meam, studia, labores, vigilias consecrabo volens lubensque.

Operam, per Dei gratiam, dabo indefessam, ut expectationi vestræ, summa fide ac diligentia satisfaciam; nec illam, quam de me concepistis, spem, vanam unquam & irritam sentiat.

D I X I.



V. A. 11534655